

禪宗金鑑

藍古宮

主編


雜集部(四)

禪宗全書

雜集部四

藍吉富 主編

文殊文化有限公司 印行



禪宗全書



禪宗全書（全套一〇〇冊）

雜集部（四）

主編：藍吉富

發行人：洪啓嵩

出版者：文殊文化有限公司

總經理：彌勒出版社

台北縣新店市自由街22號3F

(02) 9154056

印製者：國美照相製版社

定價：全套 八八〇〇元整

※版權所有，請勿翻印※

行政院新聞局版台業字第三六四三號

中華民國七十九年四月初版



一、禪宗無門關

二、佛果擊節錄

三、大光明藏

四、正法眼藏

五、心燈錄



目次

壹、禪宗無門關·····	一
原書目次·····	四
佛祖機緣四十八則·····	四
貳、佛果擊節錄·····	一九
題辭·····	二一
原書目次·····	二一
卷上：德山示衆——玄沙見虎·····	二三
卷下：洞山三頓——古德沙水·····	四九
叁、大光明藏·····	七九
序·····	八一
原書目次·····	八三
卷上：七佛·····	八八
西竺三十七祖·····	九〇

達磨大師破六宗·····	一〇三
震旦祖師·····	一〇五
四祖大鑒禪師嗣法·····	一〇八
法融禪師嗣法·····	一一〇
智威禪師嗣法·····	一一一
五祖一世旁出·····	一二二
河北神秀禪師嗣法·····	一二四
前嵩嶽慧安國師嗣法·····	一二四
前嵩山普寂禪師嗣法·····	一二六
五祖大滿禪師嗣法·····	一二七
六祖大鑒禪師嗣法·····	一二八
南岳懷讓禪師嗣法·····	一二五
江西道一禪師嗣法·····	一二六
江西道一禪師嗣法·····	一三六
百丈懷海禪師嗣法·····	一四九
前蒲州麻谷山寶徹禪師嗣法·····	一五六
京兆章敬寺懷惲禪師嗣法·····	一五七
南泉普願禪師嗣法·····	一五九

卷中·

永泰靈湍禪師嗣法·····	一六五
幽州盤山寶積禪師嗣法·····	一六五
歸宗常禪師嗣法·····	一六六
前潞山靈祐禪師嗣法·····	一六七
前福州長慶大安禪師嗣法·····	一七三
前趙州從諗禪師嗣法·····	一七六
前衢州子湖岩利蹤禪師嗣法·····	一七八
天龍和尚嗣法·····	一七九
前關南道常禪師嗣法·····	一七九
前高安大愚禪師嗣法·····	一八〇
前洪州黃檗山希運禪師嗣法·····	一八一
臨濟義玄禪師嗣法·····	一八六
睦州陳尊宿嗣法·····	一八九
魏府興化存獎禪師嗣法·····	一九〇
前汝州南院顒禪師嗣法·····	一九一
清原山行思禪師嗣法·····	一九三
石頭希遷禪師嗣法·····	一九三
荊州天皇道悟禪師嗣法·····	一九七

澧州藥山惟儼禪師嗣法	一九八
華亭舩子德誠禪師嗣法	一九九
前朗州德山宣鑒禪師嗣法	二〇〇
前澧州夾山善會禪師嗣法	二〇四
袁州洞山良价禪師嗣法	二〇四
福州雪峰義存禪師嗣法	二〇五
汾州太子善昭禪師嗣法	二〇六
汝州葉縣歸省禪師嗣法	二〇八
潭州石霜楚圓禪師嗣法	二一〇
袁州楊岐山方會禪師嗣法	二一三
黃龍慧南禪師嗣法	二一四
舒州海會白雲守端禪師嗣法	二一五
蘄州五祖法演禪師嗣法	二一六
成都昭覺克勤禪師嗣法	二一八
肆、正法眼藏	二二三
序	二二五
答張子韶侍郎書	二二六
卷一之上	二二七

卷一之下	二五三
卷二之上	二七八
卷二之下	三〇四
卷三之上	三二九
卷三之下	三五五
伍、心燈錄	三八一
序	三八三
卷一	三八四
卷二	四〇六
卷三	四二九
卷四	四五二
卷五	四七五
卷六	四九三
跋	五〇八



禪宗無門關

宋
•
宗 慧
紹 開
等 撰
編



說道無門盡大地人得入說道有門無阿師分第一
強添幾箇注脚大似笠上頂笠硬要習翁贊揚又是
乾竹絞汁著得這些哮喘本不消習翁一擲一擲莫教
一滴落江湖千里烏騷追不得
紹定改元七月晦習菴陳填寫

紹定二年正月初五日恭遇

天基聖節臣僧慧開預於元年十二月初五日印行
拈提

佛祖機緣四十八則祝延

今上皇帝聖躬萬歲萬歲萬歲萬歲

皇帝陛下恭願

聖明齊日月

叙筭等乾坤八方歌

有道之

君四海樂

無爲之化

慈懿皇后功德報因佑慈禪寺前往持傳法臣僧慧

開謹言

禪宗無門關

佛語心爲宗無門爲法門既是無門且作麼生透豈
不見道從門入者不是家珍從緣得者始終成壞恁
麼說話大似無風起浪好肉剜瘡何況滯言句竟解
會掉棒打月隔靴爬痒有甚交涉慧開紹定戊子夏
首衆于東嘉龍翔因衲子請益遂將古人公案作敲
門瓦子隨機引導學者竟爾抄錄不覺成集初不以
前後叙列共成四十八則通曰無門關若是箇漢不
顧危亡單刀直入八臂那吒攔他不住縱使西天四
七東土二三只得望風乞命設或躊躇也似隔窓看
馬騎得眼來早已蹉過 頌曰
大道無門 千差有路 透得此關 乾坤獨步

佛祖機緣

四十八則

目錄

一 趙州狗子	二百丈野狐	三 俱胝豎指
四 胡子無鬚	五 香嚴上樹	六 世尊拈花
七 趙州洗鉢	八 奚仲造車	九 大通智勝
十 清稅孤貧	十一 州勘庵主	十二 巖喚主人
十三 德山托鉢	十四 南泉斬貓	十五 洞山三頓
十六 鐘聲七條	十七 國師三喚	十八 洞山三斤
十九 平常是道	二十 大力量人	二十一 雲門屎橛
二十二 迦葉利竿	二十三 不思善惡	二十四 離却語言
二十五 三座說法	二十六 二僧卷簾	二十七 不是心佛
二十八 久響龍潭	二十九 非風非幡	三十 卽心卽佛
三十一 趙州勘婆	三十二 外道問佛	三十三 非心非佛
三十四 智不是道	三十五 倩女離魂	三十六 路逢達道
三十七 庭前柏樹	三十八 牛過窓櫺	三十九 雲門話墮
四十 趨倒淨瓶	四十一 遠磨安心	四十二 女子出定
四十三 首山竹筴	四十四 芭蕉拄杖	四十五 他是阿誰
四十六 竿頭進步	四十七 兜率三關	四十八 乾峰一路

無門關

參學比丘 彌衍 宗紹 編

一 趙州狗子

趙州和尚因僧問狗子還有佛性也無州云無
無門曰參禪須透祖師關妙悟要窮心路絕祖關
不透心路不絕盡是倏草附木精靈且道如何是
祖師關只者一箇無字乃宗門一關也遂目之曰
禪宗無門關透得過者非但親見趙州便可與歷
代祖師把手共行眉毛厮結同一眼見同一耳聞
豈不慶快莫有要透關底麼將三百六十骨節八
萬四千毫髮通身起箇疑團參箇無字晝夜提撕
莫作虛無會莫作有無會如吞了箇熱鐵丸相似
吐又吐不出蕩盡從前惡知惡覺久久純熟自然
內外打成一片如啞子得夢只許自知驀然打發
驚天動地如奪得關將軍大刀入手逢佛殺佛逢
祖殺祖於生死岸頭得大自在向六道四生中遊
戲三昧且作麼生提撕盡平生氣力舉箇無字若
不間斷好似法燭一點便著 頌曰

狗子佛性 全提正令 纔涉有無 喪身失命

二 百丈野狐

百丈和尚凡參次有一老人常隨衆聽法衆人退老人亦退忽一日不退師遂問面前立者復是何人老人云諾某甲非人也於過去迦葉佛時曾住此山因學人問大修行底人還落因果也無某甲對云不落因果五百生墮野狐身今請和尚代一轉語貴脫野狐遂問大修行底人還落因果也無師云不昧因果老人於言下大悟作禮云某甲已脫野狐身住在山後敢告和尚乞依亡僧事例師令維那白罷告衆食後送亡僧大衆言議一衆皆安涅槃堂又無人病何故如是食後只見師領衆至山後崑下以杖挑出一死野狐乃依火葬師至晚上堂舉前因緣黃蘗便問古人錯祇對一轉語墮五百生野狐身轉轉不錯合作箇甚麼師云近前來與伊道黃蘗遂近前與師一掌師拍手笑云將謂胡鬚亦更有赤鬚胡

無門曰不落因果爲甚墮野狐不昧因果爲甚脫野狐若向者裏著得一隻眼便知得前百丈贏得

風流五百生 頌曰

不落不昧 兩采一賽 不昧不落 千錯萬錯

三 俱胝豎指

俱胝和尚凡有詰問唯舉一指後有童子因外人問和尚說何法要童子亦豎指頭胝聞遂以刀斷其指童子負痛號哭而去胝復召之童子迴首胝却豎起指童子忽然領悟胝將順世謂衆曰吾得天龍一指頭禪一生受用不盡言訖示滅

無門曰俱胝并童子悟處不在指頭上若向者裏見得天龍同俱胝并童子與自己一串穿却 頌曰

俱胝鈍置老天龍 利刃單提勘小童

巨靈擡手無多子 分破華山千萬重

四 胡子無鬚

或庵曰西天胡子因甚無鬚

無門曰參須實參悟須實悟者箇胡子直須親見

一回始得說親見早成兩箇 頌曰

癡人面前 不可說夢 胡子無鬚 惺惺添惺

五 香嚴上樹

香嚴和尚云如人上樹口嚼樹枝手不攀枝脚不踏樹樹下有人問西來意不對卽違他所問若對又喪身失命正恁麼時作麼生對

無門曰縱有懸河之辨總用不著說得一大藏教亦用不著若向者裏對得著活却從前死路頭死却從前活路頭其或未然直待當來問彌勒 頌曰

香嚴真杜撰 惡毒無盡限 啞却衲僧口
通身迸鬼眼

六 世尊拈花

世尊昔在靈山會上拈花示衆是時衆皆默然惟迦葉尊者破顏微笑世尊云吾有正法眼藏涅槃妙心實相無相微妙法門不立文字教外別傳付囑摩訶迦葉

無門曰黃面瞿曇倘若無人壓良爲賤懸羊頭賣狗肉將謂多少奇特只如當時大衆都笑正法眼藏作麼生傳設使迦葉不笑正法眼藏又作麼生

傳若道正法眼藏有傳授黃面老子誑謬閭闔若道無傳授爲甚麼獨許迦葉 頌曰
拈起花來 尾巴已露 迦葉破顏 人天罔措

七 趙州洗鉢

趙州因僧問某甲乍入叢林乞師指示州云喫粥了也未僧云喫粥了也州云洗鉢盂去其僧有省無門曰趙州開口見膽露出心肝者僧聽事不真喚鐘作甕 頌曰

只爲分明極 翻令所得遲 早知燈是火
飯熟已多時

八 奚仲造車

月庵和尚問僧奚仲造車一百輻拈却兩頭去却軸明甚麼邊事 無門曰若也直下明得眼似流星機如掣電 頌曰

機輪轉處 達者猶迷 四維上下 南北東西
九 大通智勝

興陽讓和尚因僧問大通智勝佛十劫坐道場佛法

不現前不得成佛道時如何讓曰其問甚諦當僧云
既是坐道場爲甚麼不得成佛道讓曰爲伊不成佛
無門曰只許老胡知不許老胡會凡夫若知卽是
聖人聖人若會卽是凡夫 頌曰

了身何似了心休 了得心兮身不愁
若也身心俱了了 神仙何必更封侯

十 清稅孤貧

曹山和尚因僧問云清稅孤貧乞師賑濟山云稅關
梨稅應諾山曰青原白家酒三盞喫了猶道未沾唇
無門曰清稅輸機是何心行曹山具眼深辨來機
然雖如是且道那裏是稅關梨喫酒處 頌曰

貧似范丹 氣如須羽 活計雖無 敢與鬪富

十一 州勤庵主

趙州到一庵主處問有麼庵主豎起拳頭州云水
淺不是泊缸處便行又到一庵主處云有麼庵主
亦豎起拳頭州云能縱能奪能殺能活便作禮
無門曰一般豎起拳頭爲甚麼肯一箇不肯一箇
且道請訛在甚處若向者裏下一轉語便見趙

州舌頭無骨扶起放倒得大自在雖然如是爭奈
趙州却被二庵主勘破若道二庵主有優劣未具
參學眼若道無優劣亦未具參學眼 頌曰
眼流星 機掣電 殺人刀 活人鉤

十二 嚴喚主人

瑞巖彦和尚每日自喚主人公復自應諾乃云惺惺
著喏他時異日莫受人瞞喏喏

無門曰瑞巖老子自買自賣弄出許多神頭鬼面
何故暫一箇喚底一箇應底一箇惺惺底一箇不
受人瞞底認著依前還不是若也恁他總是野狐
見解 頌曰

學道之人不識真 只爲從前認識神
無量劫來生死本 癡人喚作本來人

十三 德山托鉢

德山一日托鉢下堂見雪峯問者老漢鍾未鳴鼓未
響托鉢向甚處去山便回方丈峯舉似嚴頭頭云大
小德山未會未後句山問令侍者喚嚴頭來問曰汝
不肯老僧那嚴頭密啓其意山乃休去明日陞座果

與尋常不同。嚴頭至僧堂前，拈掌大笑云：「且喜得老漢會末後句。他後天下人不奈伊何。」

無門曰：「若是末後句，嚴頭德山俱未夢見在。檢點將來，好似一棚傀儡。」頌曰：

識得最初句，便會末後句。
末後與最初，不是者一句。

十四 南泉斬貓

南泉和尚因東西兩堂爭貓兒，泉乃提起云：「大眾，道得卽救道，不得卽斬却也。」衆無對。泉遂斬之。晚趙州外歸，泉舉似州州，乃脫履安頭上，而出。泉云：「予若在卽救得貓兒。」

無門曰：「且道趙州頂草鞋，意作麼生？若向者裏下得一轉語，便見南泉令不虛行其或未然險。」頌曰：

趙州若在，倒行此令。
奪却刀子，南泉乞命。

十五 洞山三頓

雲門因洞山參次，門問曰：「近離甚處？」山云：「查渡門。」曰：「夏在甚處？」山云：「湖南報慈門。」曰：「幾時離彼？」山云：「八月。」

二十五門曰：「放汝三頓棒，山至明日却上問訊。昨日蒙和尚放三頓棒，不知過在甚麼處？」門曰：「飯袋子，江西湖南便恁麼去山於此大悟。」

無門曰：「雲門當時便與本分草料，使洞山別有生機。一路家門不致寂寥，一夜在是非海裏著到，直待天明再來，又與他注破洞山直下悟去，未是性燥。且問諸人：洞山三頓棒，合喫不合喫？若道合喫，草木叢林皆合喫；棒若道不合喫，雲門又成誑語。向者裏明得，方與洞山出一口氣。」頌曰：

獅子教兒迷子訣，擬前跳躑早翻身。
無端再叙富頭著，前箭猶輕後箭深。

十六 鐘聲七條

雲門曰：「世界恁麼廣闊，因甚向鐘聲裏披七條？」無門曰：「大凡參禪學道，切忌隨聲逐色，縱使聞聲悟道，見色明心，也是尋常，殊不知衲僧家騎驢蓋色頭頭上明著，著上妙然雖如是，且道聲來耳畔耳往聲邊，直饒響寂，双忘到此，如何話會？若將耳聽，應難會眼處聞聲，方始親。」頌曰：